

Isertuussanik kalerriisartut pillugit inatsisissamik kalerriisartunik illersuisussamik Naalakkersuisut piareersaallutillu siunnersuuteqarnissaannik, suliaassallu tamatuma aalajangiiffigisassatut siunnersuut manna akuersissutigineqarniarpat aallartinneqarnissaannik, peqquneqarnissaannik Inatsisartut aalajangiiffigisassaattut siunnersuut

(Inatsisartunut ilaasortaq, Asii Chemnitz Narup, Inuit Ataqatigiit)

Akissuteqaat

(Aningaasaqarnermut Naligiissitaanermullu Naalakkersuisoq)

Aappassaaneerneqarnera

Naalakkersuisut sinnerlugit ataatsimiititaliap isumaliutissiissuteqarnera qujassutigerusuppara.

Naalakkersuisut ataatsimiititaliap suliaqarnerminut atatillugu Islandimi aamma Savalimmiuni inatsisiliornermut paasissutissanik pissarsinera tusaatissatut tiguaat tamatumani misilittakkat isumassarsiorfigissallugit.

Naalakkersuisut suliamut atatillugu pisortani aamma namminersorluni sulisitsisut ilaatigut kalerriinissamut periarfissaqarnissaat tunngavigissavaat.

Naggasiullugu Naalakkersuisut nutaamik inatsisiliornermut atatillugu paasissutissiinissaq innuttaasunut iluaqutaaginnarani, kisiannili aamma inuit aaqqissuussamik atuinissaanut aamma ilitersuutaasinnaasoq isumaqatigaat.

Naalakkersuisut Oqaasiliortut suleqatigalugit suliaasaqarfimmi oqaatsinik ineriartortitsinissamut kaammattuut tusaatissatut tiguaat.

Taamatut oqaaseqarlunga Naalakkersuisut sinnerlugit aalajangiiffigisassatut siunnersuut akuerineqassasoq inassutigissavara.